

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINSKI SUD U ŽEPČU  
Broj: 44 0 Pr 041332 24 Zm  
Žepče, 07.11.2024.godine

Općinski sud u Žepču, sudac Dragica Dragičević, odlučujući po zahtjevu za izricanje zaštitnih mjera udaljenje iz stana, kuće i drugog stambenog prostora i zabrana vraćanja u stan, kuću i neki drugi stambeni prostor i zabrana približavanja osobama izloženim nasilju iz čl.9. stav 1. t. 1. i 2. Zakona o zaštiti od nasilja u porodici, podnesenog od PU Žepče broj: 08-02-13/1-03-2-2863/24 od 07.11.2024. godine, na osnovu čl.11. i 12. Zakona o zaštiti od nasilja u porodici, donio je sljedeće:

## RJEŠENJE

Osobi prijavljenoj za nasilje **Z.I.** sin S. rođen ... godine, nastanjen u ..., općina Ž., JMBG:..., izriču se mjere

### I

- 1. udaljenje iz stana, kuće i drugog stambenog prostora i zabrana vraćanja u stan, kuću i neki drugi stambeni prostor** koja se nalazi u naseljenom mjestu ..., općine Ž., vlasništvo oštećene A.M.
- 2. zabrana približavanja žrtvama nasilja** i to: Mldb.1. i A.M. na udaljenosti od 100 (sto) metara.

### II

Mjere iz točke **I** ovog rješenja određuju se u trajanju od 12 (dvanaest) mjeseci od dana donošenja rješenja.

Mjere se izriču zbog verbalnog i fizičkog napada na žrtve nasilja.

Zaštitnu mjeru će provesti PU Žepče koja je dužna sud mjesečno obavještavati pismeno o provođenju mjere a u slučaju nepostupanja po mjerama od strane Z.I., obavijestit će sud odmah.

Žalba ne odlaže izvršenje zaštitnih mjera.

## O b r a z l o ž e n j e

Policijska uprava Žepče je podnijela zahtjev za izricanje zaštitnih mjera udaljenje iz stana, kuće i drugog stambenog prostora i zabrana vraćanja u stan, kuću i neki drugi stambeni prostor i zabrana približavanja osobama izloženim nasilju iz čl.9. stav 1. t. 1. i 2. Zakona o zaštiti od nasilja u porodici i to u zahtjevu broj: 08-02-13/1-03-2-2863/24 od 07.11.2024. godine, obzirom da se dana 06.11.2024. godine dežurnoj službi PS Žepče obratila se putem telefona A.M. kći A..

Nadalje u zahtjevu je navedeno da je prijavljeni Z.I. počinio nasilje u porodici iz čl. 7. st.2. t.4. te je predloženo da se izrekne zaštitne mjere udaljenje iz stana, kuće i drugog stambenog prostora i zabrana vraćanja u stan, kuću i neki drugi stambeni prostor i zabrana približavanja osobama izloženim nasilju.

Prijavljeni počinitelj u svojoj izjavi u svoju obranu izjavio je: „[...]"

Žrtva nasilja A.M. u svojoj izjavi navodi : “[...]”

Izvršen je uvid u predložene materijalne dokaze:

- službena zabilješka od 06.11.2024.godine
- zapisnik o saslušanju svjedoka A.M. od 07.11.2024.godine
- zapisnik o ispitivanju osumnjičenog Z.I. od 07.11.2024.godine
- fco ljeakarski nalaz Doma zdravlja sa stacionarom Žepče na ime A.M.
- fco ljeakarski nalaz Doma zdravlja sa stacionarom Žepče na ime Mldb.1.
- zapisnik o alkotestiranju na ime Z.I.
- izvod iz operativne evidencije za Z.I.
- zapisnik o konsultaciji sa organom starateljstva

Uvidom u službenu zabilješku od 06.11.2024.godine utvrđuje se da su policajci PS u Ž. i to M.H. i E.M. izašli na lice mjesta, točnije u Ljeskovicu gdje je nastanjena oštećena A.M. i u kojoj kući je zajedno živjela sa nevjenčanim suprugom Z.I.. Također se utvrđuje da je Z.I. – prijavljeni u momentu dolaska policije na lice mjesta bio u alkoholiziranom stanju te da je, bez obzira na upozorenje, u prisustvu policajaca psovao i prijetio oštećenima. Također se utvrđuje da je Mldb.2. pokušavao spriječiti prijavljenog u fizičkom napadu na Mldb.1. pa su stoga pozvali policijsku stanicu gdje su sačekali patrolu policije. Nadalje utvrđuje se da su po dolasku policajaca isti saznali da su ispred kuće bili Mldb.3., Mldb.4. i Mldb.5., učenici prvog razreda srednje škole.

Uvidom u zapisnik o saslušanju svjedoka A.M. od 07.11.2024.godine sud utvrđuje da svjedokinja daje podudaran iskaz, kako policiji tako i sudu, zbog čega je prihvaćena izjava oštećene kao uvjerljivo dokazno sredstvo.

Uvidom u zapisnik o ispitivanju osumnjičenog Z.I. od 07.11.2024.godine, također se utvrđuje da je dao identičan iskaz u policiji kao i pred sudom.

Uvidom u fco ljeakarskog nalaza Doma zdravlja sa stacionarom Žepče na ime A.M. sud utvrđuje da je A.M. zadobila povrede u predjelu desne šake te desne i lijeve nadlaktice.

Uvidom u fco ljekarskog nalaza Doma zdravlja sa stacionarom Žepče na ime Mldb.1.utvrđuju se povrede lica, desnog skočnog zgloba i lijeve natkoljenice.

Uvidom u zapisnik o alkotestiranju na ime Z.I. utvrđuje se da je prijavljeni imao koncentraciju alkohola od 1,93 g/kg

Uvidom u izvod iz operativne evidencije za Z.I. utvrđuje se da je evidentiran kao počinitelj krivičnog djela iz čl.52. st.1. t.5. Zakona o nabavljanju, držanju i nošenju oružja i municije.

Uvidom u zapisnik o konsultaciji s organom starateljstva kod predlaganja zaštitnih mjera broj 08-02-13/1-534/24 od 07.11.2024.godine utvrđuje se da Policijska uprava u Žepču u JU Centar za socijalni rad Žepče, u cilju predlaganja zaštitnih mjera, odnosno sprječavanja nasilja u obitelji, u konkretnom ovom predmetu jedinstvenog su stajališta pa su predložili da sud izrekne zaštitne mjere udaljenje iz stana, kuće i drugog stambenog prostora i zabrana vraćanja u stan, kuću i neki drugi stambeni prostor i zabrana približavanja osobama izloženim nasilju u trajanju od dvanaest mjeseci.

Cijeneći svaki dokaz pojedinačno i u međusobnoj vezi sud zaključuje da je prijavljeni počinitelj svoju vanbračnu suprugu A.M. i pastorče Mldb.1. verbalno i fizički napao na način da isti smatraju ozbiljnom prijetnjom po njihov život.

Sud zaključuje a zbog trajanja vanbračnog nesporazuma, da bi se nasilje moglo ponoviti.

Zbog svega izloženog izrečene su zaštitne mjera kao u dispozitivu shodno čl. 9. st.1. t.1). i 2). Zakona o zaštiti od nasilja u porodici.

Dužina trajanja zaštitnih mjera određena je kao vrijeme potrebno da se urede odnosi vanbračnih partnera ili da se isti prekinu.

Svrha izricanja zaštitnih mjera je prevencija ponavljanja bilo kakvog oblika nasilja, posredovanje i upravljanje konfliktom vanbračnih partnera, prijavljeni počinitelj neće se smatrati kažnjavanom osobom.

Ključna okolnost za izricanje zaštitnih mjera je uvjerenje suda o postojanju opasnosti od ponavljanja nasilja, posebno s obzirom na okolnost sklonosti opijanja prijavljenog.

Za pripremanje, planiranje i provedbu zaštitne mjere nadležna je Policijska uprava na području žrtve nasilja u porodici, shodno Pravilniku o načinu provedbe zaštitnih mjera koje su u nadležnosti policije (Službene novine F BiH broj:9/06)

Sudac  
Dragica Dragičević

Pouka o pravnom lijeku: Protiv ovog rješenja može se izjaviti žalba Kantonalnom sudu u Zenici u roku od 3 dana od dana prijema rješenja. Žalba se podnosi u tri primjerka, a putem ovog suda.